

Бакча сион'ёсты мерттонэз жог быдэстоно

Город'ёсысь но промышленной центр'ёсысь трудяшоеслэсь сельскохозяйственной продукт'ёслы кулэськонзэс удовлетворять карыны понна, ВКП(б)-лэн 18-тй с'ездэз котькуд город'ёс но рабочей поселок'ёс котыре овощно-картофельной базаос кылдытон сярэсь бадзымесь задачаос пуктыз.

Овощно-картофельной базаосты тырмымон кылдытыны понна основан луэ ВКП(б)-лэн Центральной Комитетэзлэн но СССР-лэн Совнаркомезлэн «Бакча сион'ёсты колхоз'ёсын государстволы обязательно сётон сярэсь» 1940 арын 9-тй мае поттэм постановленизы. Отын верамын, что кубиста, столовой гордкушман, чужкушман, сугон, огречь но помидор кадь бакча сион'ёсты контрактационной но хозяйственной договор'ёс'я дасян порядокез воштыса, 1940 арлэн урожайсыныз кутскыса государстволы обязательно сётонэз гырон муз'емлэн котькуд гектарез выльсь лыд'яса тупатоно.

Бакча сион'ёсты, мукет сельскохозяйственной продуктаосты сямен ик, колхоз'ёс борды юнматэм муз'емлэн котькуд гектарез'я государстволы тырон ваньзэ ик колхоз'ёсты обязывать каре бакча сион'ёсты мерттон уж борды кулэз'я кутскыны но соослэсь урожайностьсэс жутон бордын, мукет культураос'я кадь ик кужмо нюр'ясыкыны.

ВКП(б)-лэн Центральной Комитетэзлэсь но СССР-лэн Совнаркомезлэсь 9 мае поттэм постановленизэс быдэстон бордын али, одйг нуналлы но жегатэк кутсконо ни. Партийной, советской организациос, нимысьтыз земельной орган'ёс но колхоз правлениос интыгысь вань луонлык'ёсты мобилизовать карыса, тырмымон бакча сион кидыс шедьтоно но соосты нимысьтыз зеч дасям муз'еме кизён борды кутсконо луо.

Картофка мерттон борды кутсконо ю кизёнэз быдэстэм бере ик. Сое умой валазы Чабыровской

сельсоветысь, «Серп и Молот» колхозын. Таос картофка мерттонэзс быдэстызы ни. Нош быдэс райономы бакча сион'ёсты но картофкаез мерттон, кизён уж кулэз'я уг мыны на.

Тросэз колхоз'ёс ю кизёнэзс быдэстызы ни ке но, картофка мерттыны оз кутске на. Нош куд-ог колхоз'ёсын картофка кидыссэс кынтызы, сисытызы. Со факт'ёсты трос шедьтыны луоно Лековаевской но Чабыровской сельсовет'ёсысь.

Та тырмытэос жоген палэнтэмын оз ке луэ, картофка мерттон план быдэсмытэк кылэз шуыса кышкытыл'ёс вань. Соин ик райзолы бакча сион'ёсты но картофка мерттон ужысь вань тырмытэосты быдтон понна чурьтысь ужрад'ёс кутсконо. Колхоз'ёслы юрттоно бакча сион но картофка кидыс шедьтыны. Бакча сион'ёсты мерттыны тупатэм план'я одйг квадратной метрез но муз'ем буш медам кылысь. Со понна нюр'ясыкыны кулэ быдэс обществонностьлы.

Верано луэ сое но, что индивидуальной бакчас улэ вис'ям муз'ем чэм дыр'я кизытыл'ёс кылылэ. Сое контролировать карысь уг луы. Сыче ужез чылкыт быдтоно. Та ужын нимаз ик бадзым уж лэстыно луо профсоюзной организациос Рабочий'ёслы но служащой'ёслы индивидуальной бакчаоссэс умой обработать карыны понна вань услэвиос кылдытоно но соослы юрттэт сётон.

Районысьтымы вань первичной, партийной, советской организациос но земельной орган'ёс СССР-лэн Совнаркомезлэсь но ВКП(б)-лэн Центральной Комитетэзлэсь «Бакча сион'ёсты колхоз'ёсын государстволы обязательно сётон сярэсь» постановленизэс колхозник'ёслы мур-мур валэктоно но вань колхозник'ёсгы бакча сион'ёс но картофка мерттонэ мобилизовать кароно, райономы овощно-картофельной база кылдытонэз образцово быдэстоно.

БЕСПЕЧНОСТЬЛЭН БЕРВЫЛ'ЁСЫЗ

Тулыс ю кизёнлэн котькыче дыр'ёсыз ортчизы ни, нош районысьтымы куд-ог колхоз'ёс та ужез туж бере кылызы. Лековаевской сельсоветысь М-Малагово колхоз кизыны кутскем бере ялан муз'еммы кот на шуыса улйз. Соин ик али дырлы та колхозын 120 га кизёнзы вань на. Кизён бере кыле соин но, что та колхозлэн 60 га вылэ кизыны ю кидысэз уг тырмы. Колхозлэн председателез Михайлов кизёнэз жоген быдэстон понна чик уг сюлмасыкы. Со уг тыршы тырмыг ю кидыс шедьтон понна но.

Та колхозлэсь кыдэке ик оз кошкы «Крестьянка» колхоз но, кудйзлэн кизёнэз 70 га вылын быдэстымтэ на. Та колхозлэн но ю кидысэз уг тырмы 40 га вылэ кизыны. Колхозлэн председателез Королев юри жегатэ кизёнэз. Токмаен ик овёл та колхозын колхозник'ёс но колхозницаос пöлын но кыче трудовой дисциплина но овёл, соос тросэз ужаны но уг ветло.

Люмской сельсоветысь, «Красный май» колхозлэн котькыче условиосыз вал тулыс ю кизёнэз дырыз

дыр'я йылпум'яны, но колхозлэн председателезлэн бездельничать карыса улэменыз, кизён али но быдэстымтэ на. Кизёнлэсь ляб мынэмзэ колхозлэн председателез вал кужым тырмытэен валэкыны тырше. Озы ке но ужез умой организовать карыса но вал'ёсты тырмыт уже кутыса та колхоз кизёнэз дырыз дыр'я быдэстыны быгатысал.

Вань выль верам колхоз'ёслэн председателе'ёсылэн беспечной луэменызы гинэ кизёнзы быдэстымтэ на. «Красный май» колхозын, кылсярэсь, кизён муз'ем бырон интые, йылэ. 22 майлы та колхозын 67 га кизёнзы вал на ке, 23 майлы 111 га вылэ кизымытэ на шуыса райзое иворто. Озыен татын уг тодо умой, умой кöня гектар зэмзэ но кизёнзы вань на.

Райсоветлэн исполнительной комитетэзлы та колхоз'ёс ласянь практической ужрад'ёс кутыны кулэ. Уг луы чиданы азыпалаз возматэм колхоз'ёслэн председателе'ёсылэсь та'че беспечностьсэс.

М. ВОЛКОВ.

Югославской хозяйственной делегацилэн председателезлэн г. Джорджевичлэн телеграммаез

СССР-лэн внешней вузкарон'я Народной Комиссарезлы А. И. Микоянлы

Тирасполь. Москва.

Советской Союзлэсь улоссэ кельтыса, аслам долгеным лыд'яско Тйледлы вераны, Югославской хозяйственной делегацилэн нимыныз, милесытым самой мур признательностьмес милемыз куно карыса утятлэмды понна, советской правительстволэн дуно содействиэз понна и Тйляд асытэлэн но деятельной участвовать каремды понна Советской Союз но Югославия кустын Вузкарон Соглашение гож'тон'я азинлыко быдэсмер переговор'ёсын.

Юн осконлыкме вераско, что сьме странаос кустын юн экономической сотрудничество тупатон СССР-лэн Союззы но Югославия кустын дружбаез юнматон ужлы но соослэн калыксылэн умой улонзылы послужить кароз.

Милорад Джорджевич, Югославской хозяйственной делегацилэн председателез.

СССР-лэн внешней вузкарон'я Народной Комиссарезлэн А. И. Микоян эшлэн теллеграммаез

Югославской хозяйственной делегацилэн председателезлы г. Джорджевичлы

Белград

Сюлмысьтым ик тау карыско Тйледлы г. председателез, Тйляд дружеской зечкыланды но Тйляд чувстводэс выразить каремады понна Югославия но Советской Союз кустын Вузкарон соглашение азинлыко гожтэм пумысь.

А. Микоян.

Кооперативной членской книжкаосты вош'янэз жог быдэстоно

Кооперативной членской книжкаосты вош'ян май толэзълэн нырысей нунал'ёсаз кутскиз. Та ужез азинлыко быдэстыны понна дасяськон уж нуыны тырмыт дыр вис'ямын вал. Озы ке но Еловской сельполэн счетоводэз Суворов но кыче дасяськон уж оз нуы. Соин сэрэн та сельпоын книжкаосты вош'ян али но уг мыны на.

Чик уг юртто сельполэн ужаз сельполэн правлениезлэн член'ёсыз Анна Алексеевна Ежова, Абдулов но ревизионной комиссилэн председателез. Таос ваньзы асысэзлэсь обязанностьсэс нырысен ик вуз бастонэн гинэ лыд'яло.

Ляпунов.

Германской газет'ёс западын военной действиюслэн мынэмзы сярэсь

Берлин, (ТАСС). Германской газет'ёс западын военной действиюслэн мынэмзы сярэсь обзор поттызы. 7 нунал чөже мынэм операциослэн йылпум'яназы газет'ёсын тазы возымагыське: Голландиез бастэм бере Германилэн стратегической положениемз шöдскымон умояз. Голландилэн сётскемез германской войскоослэсь бадзым кужым'ёсэс мозмытэ. Со кужым'ёсты соослэн мукет фронт'ёсы кугэмзы луоз. Германской фронтлэн выль линиез Ангиллэн ярдур'ёсызлы матэти оргче. Германской авиацилы Англилы пумит действовать карыны умоесь позициос кылдыт'ямын. Табере война шонерак английской территория ос азын луэ. Та бордын луэ али вань сратегической пöртэм луон'ёс Германилэн туалала положениемз солэн мировой война дыр'я положениемз сярэсь. Соку бурпал фланг усэтымын вал ке, Германилэн табере Северной Норвегия дороз юн фронтэз вань.

Голландия сётскем бере али, германской командованилэн малпамез'я, война выль фазае султыз. Бельгиин 3 западной державоос Антверпен но Намюр участок'ёс кустын Германилы туж зол пумит луыны кутско. Англо-французской но бельгийской войскоос Диль шур сьöрын, Брюссельзы 25 километр кемын, туж зол юнматэм позициосын сыло. Антверпен но Намюр крепостьсэс та линиос вылын тушмонлы пумит сылыны юн фланговой прикрытие луо.

Та дыре туж лек жугиськон'ёс та'чеес кык интыосын мыно: Бельгиин—Антверпен крепость районнын, Диль шур вылын но Намюр крепость районнын; Франциин—Маас шур вылын, Седан дорын.

Бельгиин английской но бельгийской вооруженной кужым'ёс Льежын но Альберг канал дорын золэсь позициосы вышем бере, Антверпен но Намюр кустысь районнын жугиськон борды кутсконо луизы. Диль шур вылын крепость но юнматэм позициос кошкем бере та районнын жугиськон'ёс позиционной война луыны кулэ вал, но германской войскоосын Намюр но Живе кустысь линиез чиктэм бере жугиськон'ёс позиционной войнаысь маневренной войналы пöрмо. Французской военной министерство но озы ик верано луиз, что немецкой атакаос позиционной войнаез маневренной войналы пöрмыттызы.

Намюрлэн юго-западаз, жугиськон'ёслэн основной линизылэн флангаз, германской войскоос азылань наступать каро. Татын французской бронетанковой частьёслы выльысь поражение лэсытэмын вал.

Военной действиюслэн 3-тй интыяз, Саарской фронтын, значенизы умой тодмо овёл на. Татын военной действиюс паськытаны гинэ кутскемын. Озы ке но, германской армилэн верховной командованиезлэн ивортон'ёсаз верам'я адске, что германской войскоослэн Мозель но Рейн кустысь позициосын азылань мынонзы та районнын бойёслы азыланьзэ паськытанлы бадзым значение луэ.

1940 арын Всесоюзной сельскохозяйственной выставкаез усьтон

СССР-лэн Земледелиезлэн Народной Комиссарезлэн, Главной выставочной комитетлэн председателезлэн И. А. БЕНЕДИКТОВ эшлэн верамез*)

Эш'ес! 1939 арын Всесоюзной сельскохозяйственной выставкаез усьтыса, СССР-лэн Народной Комиссар'эсызлэн Советсылэн Председателез Молотов эш мылкыд сөйтэ, чтобы выставка мед луоз социалистической соревнованилэн организатореныз сельской хозяйствоя куиньметй пятилеткалэс планзэ быдэстон понна, чтобы котькызы ик паськыт мед вөлмоз соревнование республикаос, крайёс, областёс но район'ёс кустын колхоз'ёс, МТС-ёс но совхоз'ёс кустын 1940 арын сельскохозяйственной выставкакын участвовать карыны право басытон понна.

Колхозной крестьянство, совхоз'ёслэн но МТС-ёслэн рабочийёссы, сельской хозяйстволэн специалист'ёсыз. Советской правительстволэн главаезлэн өтемезлы зырдыт вазиськызы но туж бадзым мылкыдэн пыриськызы соревнование социалистической земледелилэн выль ворон'ёсыз понна.

Ленинлэн—Сталинлэн партиезлэн кивалтэм улсаз советской крестьянство 1939 арын выль бадзымез азинскон'ёсты басытыны быгатыз социалистической земледелиез, пудо вордонзэ азыланьын жутонын но колхоз'ёсты организационно-хозяйственной юнматонын. 1939 арын колхоз'ёсын но совхоз'ёсын ю нянь, хлопок, етйн, картошка но мукет сельскохозяйственной продукт'ёс 1938 арын сярись трос будэтэмын. Колхоз'ёсын пудо вордон фермаослэн лыды орчем ар чоже 194,500 фермаослы будыз.

1940 арын выставка эшшо одйг пол возматэ, что советской гуртысь сюосын но сюрс'ёсын адямиос пёрмызы бадзым общественной хозяйстволэн опытной организатор'ёсызлы.

Орчем ар кустын хозяйствоез нуонын асьмелэн машинно-тракторной станциосмылэн, колхоз'ёсмылэн но совхоз'ёсмылэн организованностьсы но куль'уразы будыз.

1940 арын выставка луэ арбитр кадэ, кудыз лэсьтэ областёслэс, крайёслэс но республикаослэс сельской хозяйствоез азыланьын жутон понна соревнованызылэс итог'ёссэ. 1940 арын Всесоюзной сельскохозяйственной выставкакын участник'ёсыныз юнматэмын ни 18.163 колхоз'ёс, пудо вордон 14.163 фермаос, 333 машинно-тракторной станциос, 957 совхоз'ёс. Со сяна, Всесоюзной сельскохозяйственной выставкакын участвовать карыны право басытызы сельской хозяйстволэн 265.326 азыланьынёсыз, организатор'ёсыз но специалист'ёсыз. Туэ арын выставкакын участник'ёсыныз луыны право басытызы 234 район'ёс, орчем арын 45 район'ёс интые.

Туэ арын выставкакын участвовать карыны право басытызы озы ик нимаз-нимаз крайёс но областёс но. Хакасской автономной область, Украиналэн Днепронетровской, Сталинской но Запорожской областёсыз, соос куинь ар чоже тысё культураос'я гектар вылысь шор лыдын 12 центнерысен 15 центнерозь, урожай басытызы но пудо вордонзэ жутона планзэс мултэсэн быдэстызы. Орджоникидзевской край, со гектар вылысь 12 центнер басытыз, но Краснодарской край, со тысё культураос'я гектар вылысь 15,5 центнер басытыз, но пудо

вордонзэ жутона планзэс мултэсэн быдэстызы.

Нош уг луы саклык вис'ятгэ кельтыны солы, что куд-ог областёс, кычөөн луо Ярославской, Курской, Смоленской, Пензенской, Читинской областёс, Башкирской АССР но куд-огез мукет'ёсыз, тырмыт использовать өз каре на 1939 арын выставкакэс опытсэ выль урожайёсты будэтон понна, пудо вордонзэ азыланьын паськытатон понна но кулэз'я организовать өз каре 1940 арын Всесоюзной сельскохозяйственной выставкакын участвовать карыны право понна нюр'ясконзэ.

Азымынсь колхоз'ёслэн но район'ёслэн—выставкакын участник'ёсызлэн—примерзы вылын оскыны луэ, кычөө бадзымез азинскон'ёсты басытыло колхоз'ёс, куд'ёсыз умой, шонер, быгатыса уже кудо общественной муз'емез но асьсэлэс хозяйствозэс котькуд ласянь будэто. Та колхоз'ёслэн опытсы возматэ коллективной хозяйствоез научной основаос вылын нуонлэс кулэлыксэ, азымынсь сельскохозяйственной наукалэс азинскем'ёссэ но сельской хозяйстволэн азымынсьёсызлэс опытсэс уже кутыса.

Колхозной хозяйстволэн огласянь гинэ будонзэ кулэ өвөл, а кулэ котькуд ласянь будэме, со вамен гинэ луоз муз'емез быдэса уже кутыны. Колхоз'ёслэн общественной муз'емзы—колхозной стройлэн кужымеэлэн но юныкезлэн основной источниксы. Задача луэ со бордын, чтобы муз'емлэс котькуд гектарзэ уже кутыны, муз'емез ужанын культурной прием'ёсты применять карыса, трудлэс производительностьсэ вискарытэк жутыса.

Выставкаез учкисьёс выставкакын возматэм азымынсь колхоз'ёслэс муз'емлэс котькуд гектарзэ тужгес пайдаен уже кутонлы, полноценной разносторонней хозяйствоез нуыны быгатонлы дышетскозы. 1940 арын выставка өте выль вормон'ёс понна социалистической сельской хозяйствоез азыланьын жутона понна, пудо вордонлэн сясыкасыконзэ понна социалистической соревнованиез азыланьын вөлмытонзэ.

Тулыс ю кизёнэз йылпум'ян, сельскохозяйственной культураосты утялтон, урожаяез октон-калтонлы образцовый дасясыкон но сое быдэстон 1940 арын ортчытэмын луыны кулэ выставкакын возматэм опытэз уже паськыт кутыса.

Сельской хозяйстволэн азымынсьёсыз уж вылын возматэ социалистической земледелиын луйсь бадзымез луонлык'ёсы:

Асьме странаысь значной адямиос азыл рекорд'ёсты 1939 арын азылтызы. Алтайской крайысь Андреевской районьсы Политотделэн нимыныз нима колхозлэн звеньевоз—колхозница Александра Сергеевна Сергеева, 1938 арын валэс чабейлэс 11 гектар вылысь котькуд гектарысытыз 35 центнер но 4 гектар вылысь, котькуд гектарысытыз 72 центнер урожайзэ басытыз. 1939 арын 46,5 гектар площадьлэн котькуд гектарысытыз 33,2 центнер, нош рекордной участокысытыз гектарысы 101 центнер урожай басытыз.

Азербайджанской ССР-ысь, Сафаралиевской районьсы звеньевая колхозница Алиева Агджа Баба Кази 1938 арын хлопкысы гектарысы 150 центнер урожайзэ басытыз, 1939 арын со хлопкысы одйг гектарысы 155 центнер урожайзэ басытыз.

Грузинской ССР-ысь, Каспской районьсы, Сталинлэн нимыныз нима колхозысь звеньевая София Дмитриевна Кетишвили 1938 арын одйг гектарысы сахар кушманлэс 597 центнер урожайзэ басытыз, 1939 арын гектарысы сахар кушманлэс 1200 центнер урожайзэ басытыз.

Житомирской областьсы, Черняховской районьсы, 1 Травнялэн нимыныз нима колхозлэн звеньевоз Надежда Владимировна Заглада 1938 арын етйн мертчанлэс гектарысы 19,5 центнер урожайзэ басытыз, 1939 арын етйн мертчанлэс одйг гектарысы 33 центнер урожайзэ басытыз.

Новосибирской областьсы, Маринской районьсы „Красный Перекор“ колхозлэн звеньевоз Анна Кондратьевна Югина 1938 арын картофкалэс гектарысы 908 центнер урожайзэ басытыз, 1939 арын картофкалэс гектарысы 1217 центнер урожайзэ басытыз.

Пудо вордонлэс дпродуктивностьсэ жутона ужлэс синмаьсыкмонэс образец'ёссэ возматэты пудо вордонзэ азымынсьёс.

Кысырысь, „Молочное“ совхозысь скал кысысь Лебедева Фаина Николаевна 1939 арын котькуд скалзэс быдэн 6.595 литр йол кысысь; Киевской областьсы „Велетень“ колхозысь парсь сюдысь Марчук Мария Ананьевна 1938 арын со борды котькуд юнматэм 9 мумы парсьёсызлэс 28 парсьпиоссэс басытыз но будэтэз, нош 1939 арын—быдэн 33 парсьпи.

Сельской хозяйствосы асьмелэс азымынсьёсмылэс туж трос ним'ёссэс вераны луысал. Соосты вань колхозной массаос туж зол ярато. Историын нокутын но ноку но озы өз жутисыкы муз'ем ужасёслэн трудзы но ноку но сычө славаен вөлмемын ой вал крестьянинлэн трудзэ, кычөө со асьме советской странаын.

Молотов эш, кылем арын выставкаез усьтыса, вераз, что выставка уно лэстыны кулэ азыланьын, чтобы колхозной но совхозной хозяйствоез уката но жог жутоназ обеспечить карыны. Макем жог быдэстэ колхоз'ёслэн, совхоз'ёслэн но машинно-тракторной станциослэн быдэс массаызы выставкакын участник'ёсыз понна тупатэм показательёсты, сокем жог быдэстэмын луоз сельской хозяйствоя куиньметй пятилеткалэн планзэ. Сельской хозяйстволэн котькуд ужасез тодэс возыны кулэ, что макем паськыт вөлмоз творческой соревнование, макем умойгес пунктэмын луоз азымынсьёслэс—выставкакын участник'ёсызлэс опытсэ пропагандировать карон но уже кутон, сокем жоггес мыноз социалистической сельской хозяйстволэн вань отрасльёсызлэс азылань кужмо жутокызы.

Асьмелэн крестьянствосы аслэстыз азылзэ гордо но шумпотонэн учке, ибо колхозной строй но Ленинлэн—Сталинлэн партиезлэн но Советской правительстволэн сельской хозяйство сярись сюлмасыконзы колхозной крестьянстволы луонлык сето солэн зажиточностезлы азылань будыны, солэн культураезлы но благосостояниеэлы азылань жутокыны.

Соку, ку капиталистической дуннеын кыктэти империалистической войналэн тылпузэ зырда но нуналмысь уродме крестьянстволэн улонвылонзэ,—со дыре асьмелэн странаямы, социализмлэн сгранаяз, трудяшойёс, ялан выль но выль вор-

мон'ёсты басыса, куиньметй сталинской пятилеткалэс туж бадзым планзэ оскыса быдэс'яло.

Партилен но правительстволэн сельской хозяйствоя та берло дыре кутэм постановлениоссы, общественной земледелиез будэтонын, колхоз'ёсын общественной хозяйствоез жутонын синмаьсыкмонэс странаосты усьтызы. Таин чош ик со постановлениос колхоз'ёслэн но земельной орган'ёслэн кивалтисьёсылэс кулэ карэ сельской хозяйствоез быгатыса но умой кивалтэмзэс, хозяйствоез озы нуэмез, кудыз мед жутысал котькуд гектар муз'ем вылысь продукцияез но доходностез, артельной узырлык'ёсты уноят'яса.

Всесоюзной сельскохозяйственной выставка асьме коммунистической партилен Центральной Комитетэзлэс решениоссэ уж вылын реализовать каронын бадзым ролез быдэс'яны өтемын.

Выставка мобилизовать каре колхозной крестьянствоез, земельной орган'ёслэс работник'ёссэс но вань советской калыкез сельской хозяйствоя куиньметй сталинской пятилеткалэс планзэ быдэстон но мултэсэн быдэстон понна большевистской нюр'ясконзэ, арлы быдэ 8 миллиард пуд ю-тысь поттон понна, пудо вордонзэ туж кужмо жутон понна, колхозной производстволэс ваньзэ отрасльёссэ кужмоятон понна, великой Сталинлэс указаниоссэ быдэстон понна нюр'ясконзэ.

Дано мед луоз асьмелэн социалистической родинамы но великой советской калык!

Дано мед луоз колхозной крестьянство!

Дано мед луоз большевик'ёслэн Всесоюзной Коммунистической партизы!

Дано мед луоз асьмелэн великой вождымы—Сталин эш!

Большевистской партилен Центральной Комитетэзлэн но Советской Союзлэн правительствозлэн косэмзыа, 1940 арлэс Всесоюзной сельскохозяйственной выставкаез усьтэмын ялысько!

Редакторез воштысь—В. Толстикова

Поттысь Райсоветлэн Исполкэме.

Глазовской Государственной учительской институт

Кыл но литература, физико-математической но естественно-географической факультет'ёсы 1940 аре дышеткисьёсты кутон ялэ

Учительской институтэ кутысько 17 арескысен 40 арескыз гражданд'ёс, куд'ёсызлэн образованызы средней школа-лэс 9 классэ быдэстэмын.

Институт дася неполной средней школыос понна преподавательёсты.

Испытаниос луозы: СССР-лэн народностьсэслэн историз'я но Конституцияез'я, русской кыл'я (сочинение гож'ян, грамматика но литература). Со сяна физико-математической отделение дышеткыны пырисьёслы Физикая но математикая. Естественно-географической факультетэ пырисьёслы география но естествознание.

Средней школаез быдтэм имурт'ёс, куд'ёсызлэн отличниклэн аттестатысь вань но рабфакез вань предмет'ёс'я, черчение но рисование сяназэ, отлично быдэстэм'ёс институтэ испытанитэк кутысько.

Куриськон борды кулэ документ'ёс: образование сярись (подлинник), автобиография, куинь фотокарточкаос но здорovieз сярись справка (паспорт пред'явить карысье лично). Воинский обязанности отношения сярись справка.

Куриськон'ёс кутысько 20 июнысен 1-тй августозь. Испытание 1-тй августысен 20-тй августозь. Нуждаться карысьёсыз общежитиен но степендиен обеспечиваться каро. ДИРЕКЦИЯ.

*) Речь важнытыса сөйтиське